

Broj: 03-04-1225/2023  
Sarajevo, 03.11.2023 .godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

PARLAMENT FEDERACIJE BOSNE I HERCEGOVINE

Org. jed.	Broj	Priloga	Vrijednost
05/1	- 02-	379	23

Predstavnički dom


gđa. Suada Halilović, poslanik  
gosp. Ivan Miličević, sekretar ✓

Predmet: Odgovor na poslaničku inicijativu

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10 i 39/20), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20), u prilogu Vam dostavljam akt Federalnog ministarstva trgovine, broj: 01-02-902/23 od 30.10.2023. godine, koji sadrži odgovor na poslaničku inicijativu, koju je podnijela poslanik Suada Halilović.

S poštovanjem,



Prilog: kao u tekstu

Broj: 01- 02- 902/23  
Mostar, 30.10.2023. godine

BOSNA I HERCEGOVINA  
FEDERACIJA BOSNE I HERCEGOVINE  
VLADA

n/p mr.sc. Edita Kalajdžić, sekretar

SARAJEVO  
Ul. Hamdije Čemerlića broj 2

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

PRIMLJENO: 03.11.2023			
Organizaciona jedinica	Klasifikaciona oznaka	Redni broj	Broj priloga
03-04-	1225/	2023	

**Predmet:** Odgovor na zastupničku inicijativu, dostavlja se  
**V e z a :** Vaš akt broj 03-04-1225/23 od 24.10.2023. godine

Poštovani,

U skladu sa odredbom člana 75. Poslovnika o radu Vlade Federacije Bosne i Hercegovine prečišćeni tekst ("Službene novine Federacije BiH" br: 6/10, 37/10, 62/10, 39/20 i 67/21"), u prilogu akta Vam dostavljamo tri primjerka odgovora na zastupničku inicijativu koju je podnijela gđa.Suada Halilović, zastupnica u Zastupničkom domu Parlamenta Federacije Bosne i Hercegovine, uz molbu da isti dostavite zastupnici.

S poštovanjem,

Prilog: kao u tekstu

Dostaviti:

- Naslovu
- Odsjeku za cijene
- a/a



Broj: 01- 02- 902 /23  
Mostar, 30.10.2023. godine

**BOSNA I HERCEGOVINA  
PREDSTAVNIČKI DOM PARLAMENTA  
FEDERACIJE BOSNE I HERCEGOVINE**

n/p g-din, Ivan Miličević, tajnik/sekretar Zastupničkog/Predstavničkog doma  
n/r gđa. Suada Halilović, zastupnica

**UI. HAMDIFE KREŠEVLJAKOVIĆA 3  
71 000 S A R A J E V O**

**Predmet:** Zastupnička inicijativa, odgovor, daje se

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), na zastupničku inicijativu koju je podnijela zastupnica Suada Halilović kojom se traži da se uspostavi platforma za praćenje kretanja cijena na koje je ograničena visina marži u trgovinama, dostavljamo sljedeći:

### **O d g v o r**

U skladu sa članom 17. Zakona o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/08, 2/06, 8/06, 61/06), Federalno ministarstvo trgovine (u daljem tekstu: Ministarstvo) s ciljem održavanja stabilnosti tržišta, cijena i životnog standarda stanovništva, prati i analizira kretanje cijena na osnovu podataka koje mu dostavljaju drugi organi, tijela uprave, pravna i fizička lica. Ministarstvo provodi odgovorne politike za koje je nadležno, a naročito u pogledu predlaganja određenih mjera Vladi Federacije BiH, bilo da se radi o praćenju kretanja cijena na tržištu u funkciji zaštite javnog interesa i zaštite interesa potrošača i u pogledu primjene mjera neposredne kontrole cijena u slučaju poremećaja na tržištu.

Bitno je naglasiti da u skladu sa Zakonom o kontroli cijena („Službene novine Federacije BiH, br. 2/95 i 70/08), pravna i fizička lica formiraju cijene slobodno, a Vlada Federacije BiH, u okviru svojih nadležnosti propisuje mjere neposredne kontrole cijena od interesa za Federaciju BiH, i to: određivanje najvišeg nivoa cijena, zadržavanje cijena na zatečenom nivou (zatečene cijene), davanje saglasnosti na cijene, odnosno tarife, **utvrđivanje marži u trgovini (kalkulativne cijene)** i obavještanje o promjeni cijena i marži za proizvode i usluge (evidencija cijena).

U cilju snižavanja marži u trgovini i zaštite životnog standarda stanovništva, Vlada Federacije BiH je 28.9.2023. godine, na prijedlog ovog Ministarstva, donijela Odluku o propisivanju mjera neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije“, broj 69/23). Ova Odluka stupila je na snagu 12.10.2023. godine, a dana 14.09.2023. godine Ministarstvo je sačinilo Instrukciju kojom su date upute za postupanje inspekcijskim organima u primjeni Odluke.

U Vašoj inicijativi dali ste prijedlog „da ovo Ministarstvo uspostavi platformu, gdje će veći trgovački lanci biti u obavezi da jednom sedmično za gradove u kojima imaju poslovnice na području Federacije BiH, objave cijene navedenih 15 proizvoda koji su obuhvaćeni neposrednom kontrolom, kako bi se pratilo kretanje tih cijena“. Istakli ste da će se uspostavljanjem navedene platforme omogućiti povećanje transparentnosti, pomoći u sprečavanju nepoštenih praksi, jačati povjerenje građana u vlast i pratiti učinkovitost politika, te osigurati dosljedna primjena mjera i podrška lokalnim potrošačima.

Obavještavamo Vas da smo u Ministarstvu već pokrenuli odgovarajuće aktivnosti i poduzeli konkretne radnje. Naime, u skladu sa ovlaštenjem iz člana 12. stav 2. Zakona o kontroli cijena („Službene novine Federacije BiH, br. 2/95 i 70/08), federalni ministar trgovine će u narednom periodu donijeti Uputstvo o načinu, sadržaju i rokovima dostave obavještenja o maloprodajnim cijenama. Uputstvom će se propisati obaveza privrednim subjektima koji obavljaju djelatnost trgovine na malo da dostavljaju elektronskim putem Ministarstvu, radi evidentiranja i objavljivanja na web stranici Ministarstva, podatke o cijenama proizvoda iz Odluku o propisivanju mjera neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije“, broj 69/23). Obaveza će se odnositi na privredne subjekte koji su razvrstani u velika pravna lica u skladu sa članom 5. Zakona o računovodstvu i reviziji u Federaciji BiH („Službene novine Federacije BiH“, broj: 15/21).

Na kraju ističemo da je Vaša inicijativa ocijenjena kao veoma korisna i u cijelosti je podržavamo, s napomenom da je ista sinhronizirana sa već započetim aktivnostima ovog Ministarstva. Također, mišljenja smo da će normativni okvir koji priprema ovo Ministarstvo, kao i izrada odgovarajuće platforme na web stranici Ministarstva, zasigurno doprinijeti ostvarenju očekivanih efekata iz Vaše inicijative.

S poštovanjem,

The stamp is circular with the text "FEDERALNO MINISTARSTVO TRGOVINE I PROMETA" around the perimeter. In the center, it says "MINISTAR" and "Amir Hasidžević" with a handwritten signature over it.

**MINISTAR**  
Amir Hasidžević